

حریدہ عالیہ

مشیتِ جلیلہ اسلامیہ مکہ جریدہ رسیہ سید

جمادی الاولیٰ ۱۲۳۳

عسدو: ۱۶

آیدہ بر نشر النور

ایکمنجی سنہ

ثالثاً، تزکیه علیه محضر شهودده اجرا اولندیغنه تعرض ایدلامشدر حالبوکه شرعاً بوجهت لابددر . « بان یجمع بین المزکی والشاهد الذی زکاه ویقول للمزکی هذا هو الذی زکیته، حموی.

رابعاً، فقره حکمیهده مبلغ مذکور اون ایکی لیرانک ترکدن اخراجی قراری بعدالنبوت اولوق لازم کلوردی اولجه ثابت وحکم لاحق اونش ایسه بوجهتک اعلامه درجی لازم کلیر .

خامساً، مبلغ محکوم به ۶۰۱ غروش اون پاره اولوق لازم کلورکن مقدارنده سهو ایدلمشدر .

*
* *

یکدیگره کفالت :

« دکرلی قاضیسی طرفندن اعطا قلنان ۲۶ جادی الاولی ۱۳۳۲ تاریخی اعلامک اسباب تقضیهسی »

مدعی ابتداء دعواسنده مبلغ مدعی به مذکور متوفای مزبور ایله یکدیگره کفیل بالمال اوله رق آلدققرینی افاده ایتمش یعنی متوفانک کندینه کفالت ایتدیکنی تصدیق ایتمش وکفالت بالمال انحق دیون صحیحهدمه اوله جنی مجله نک ۶۳۱ نجی ماده سنده مصرح بولنمش وبوحالده بروجه محرر دین مذکورک دین مشترک اولدیغنی مدعی مرقوم اقرار ایتلشکن دین مذکورک کلیسی متوفانک بورجی بولندیغنه مبنی کندیسی بالاخره آکا کفیل اوله رق تأدیه ایتمله رجوعاً ترکدن مطالبه ایتمکده اولدیغنه دائر درمیان ایلدیکی دعواسی افاده سابقه سنده وشهودک شهادتی دخی مدعینک اقرار مذکورینه منافی و بناء علیه حکم واقع غیر صحیح بولنمشدر .

تبلغات عمومی

« محل اقامتلی بیلنه میانلره اعلاماتک صورت تبلیغنه دائر »

قسماً ویا کاملاً مواجهه طرفینده رؤیت و فصل اولنان دعاوی نتیجه سنده تنظیم اولنان اعلامک تبلیغندن مقدم غیوبت ایدوب محل اقامتلی مجهول قالان و اقامتگاه اصلیرنده ساکن کسمه سی بولنمیان محکوم علیه لره تبلیغات ایفا ایدیله مامکده اولدیغنی بیانیه استفسار معامله بی حاوی خداوندکار ولایتی مرکز قاضیلکندن وارد اولان تحریرات

مجلس تدقیقات شرعیہ یہ لای الحوالہ محکوم علیہ بالتحری بولنہ میوب زردہ ایدوکی بیلنہ مدیکی
واقامتکاهندہ ساکن کیمہ سی دم اولمادیغندن شخصنہ ویا اقامتکاهنہ اعلامک تبلیغی ممکن
اولہ مدینی صورتہ محلہ ویا قریہ سی ہیئت اختیار یہ سندن اولبابدہ برشہادتنامہ آلدقدن
صکرہ اعلامک محلہ ویا قریہ سی امام ویا خود مختارینہ تسلیم اولنوب تبلیغ علم و خبرینک
امضا ابتدیلمسی ومعاملہ نک ممکن ایسہ غزنیہ درج ایلہ اعلان ایدلمسی خصوصک تعیمماً
قضاہ کرامہ اشعار ی افادہ اولنہ رق ایجابی اجرا ایدلمش اولغلہ طرف فاضلانہ لرندن دخی
اکاکورہ اقتضاسنک ایفا ونسخ ملفوفہ نک ملحقات قضاتنہ اسراسنہ ہمت اولنمسی سیاقندہ
شقہ محبی ترقیم قلندی .

۶ ربیع الاخر ۱۳۳۳ و ۹ شباط ۱۳۳۰

*
**

« محاکم شرعیہ مذکرہ لرنک لزوم تنفیذی حقندہ »

قارص ذوانقدریہ قضاسنک خارداللق قریہ سندنہ ساکنہ فاطمہ ایلہ شیخ شامی قریہ لی
حسین ییتندہ متکون نکاح دعواسنک نتیجہ سنہ دکن مزبورہ نک مأمّن بر محلہ حفطی
ودیکریلہ اولہ جق زفافک منی حقندہ قضاء مذکور قاضیلکندن ویریلان مذکرہ نک
انفاذنہ نکاح حقندہ حکم لاحق اولمامش ایسہ حریت شخصیه یہ مداخلہ جائز اولہ میہ جنی
مطالعہ سیلہ تعلل ایدلیدی مذکور مذکرہ زیرینہ قائم مقاملق ایلہ ژاندارمہ قوماندانلغندن
یازیلان درکنار صورتلرنک لفلہ قاضیلکندن جواباً وارد اولان تحریراتدن اکلاشلمش
وحکام الشرع قانوننک ایکنجی مادہ سندنہ محاکم شرعیہ دن یازیلہ جق مذکرہ لرنک انفاذ احکامی
مجبوری اولدینی مصرح ومذکرات شرعیہ مسائل فقہیه مستد وتقديری حکام الشرعہ
عائد اولوب مأمورین ضابطہ وادارہ نک تعلیل وانفاذنہ تعلل ایتمری موافق مصلحت
اولمادینی کبی قانون مذکور صراحتہ دنہ منافی بولنش اولدیغندن سالف الذکر مادہ قانونیه
صراحتہ توفیق حرکت اولنسنک ایجاب ایدلنرہ تعیمماً تبلیغی مجلس تدقیقات شرعیہ
افادہ سیلہ داخلہ نظارت جلیہ سنہ اشعار وقضاہ کرامہ دنہ معلومات اعطا ایدلمش اولغلہ
طرف فاضلانہ لرندن دخی اکاکورہ اقتضاسنک ایفا ونسخ ملفوفہ نک ملحقات قضاتنہ
اسراسنہ ہمت اولنمسی سیاقندہ شقہ محبی ترقیم قلندی .

۹ ربیع الاخر ۱۳۳۳ و ۱۱ شباط ۱۳۳۰

*
**

« تابعیت عثمانیه ی حائز بولنلری اعتبارله جزایر لیلر وتونس لیلر حقلرنده هیچ بر صورتله اجنبی معامله سی یاپیلماسنه وفا لیلر وافغانلیلر حقلرنده حایه اجنبیه قبول اولنماسنه دائر »

دولت علیه عثمانیه ایله فرانسه حکومتی ارمه سنده حال حرب بولنسنه بناءً بالعموم معاهدات ومقاولات واتلافات منفسخ اولدینی کبی جزایر لیلرک تابعیتته دائر اولوب قایتولاسیونلرک الغاسیله حکمدن ساقط اولمش وحال حرب ایله ده مفسوخیتی تأید ایتمش بولنان بیک اوچوز یکر می الی تاریخی اتلاقامه ایله فاسلیلر وتونسلیلرک ده جزایرلی کبی معامله کوره جکلیرنی تصریح ایدن بیک طقوز یوز اون اوچ تاریخی اتلاقامه دخی حکمدن ساقط اولدیغندن هر نه صورتله اولورایسه اولسون ممالک عثمانیه ده بولنان جزایر لیلر وتونسایلر تبعه عثمانیه دن اولوب سابقاً فرانسه محمیسی طانمش اولانلر ده داخل اولق اوزره کافه سنک عثمانلی عدی ایله اکا کوره معامله ایدلسی لازم اولدینی انجق جزایر وتونس اشغال اجنبی التده بولندیغندن ممالک مذ کوره اهالیسندن اولوب ممالک عثمانیه یه هجرت و التجا ایدنلرک مهاجر و ملتجیلر نظاماً بخش اولنان مساعدتن استفاده لری ایجاب ایده جکی وفاسلیلر کنبه فاس حکومتی بر دولت مستقله اسلامیه اولدیغندن اهالیسی ممالک دولت علیه ده تبعه اجنبیه دن معدود اوله رق بناءً علی ذلك حصراً تبعه عثمانیه یه عائد حقوقدن استفاده ایتماک اوزره اوروپا حقوق عمومی دولی قواعدینه توفیقاً اجنبی معامله سنه تابع طوتلیسی وافغانلیلر حقلنده جاری اولدینی کبی منحصرأ خلافت اسلامیه نك حمایه سی التده بولنقله حقلرنده هیچ بر دولت ثالثه اجنبیه حمایه سنک قبول ایدلامسی مقتضی بولندینی خارجیة نظارت جلیله سندن وارد اولان تذکره ده درمیان اولنمش وصورت اشعار مجلس مخصوص وکلاجه موافق مصلحت کورنمش اولدینی بیانیله بو صورتله ایفای معامله ایدلسنه دائر ورود ایدن تذکره سامیه اوزرینه کیفیت تعیمماً قضاته ازیار ایدلمش اولمخله طرف فاضلانلرندن دخی اکا کوره ایجابنک ایفا ونسخ ملفوفه نك ملحققات قضاته اسراسنه همت اولنمی سیاقنده شقه محی ترقیم قلندی .

۱۲ ربیع الاخر ۱۳۳۳ و ۱۴ شباط ۱۳۳۰

*
* *

« طرابلس غرب وبنغازیده ابراز واستعمال ایدیله جک وکالت جتترینک صورت تنظیمی حقلنده »

طرابلس غرب وبنغازیده ابراز واستعمال ایدیله جک وکالت جتترینک ملفوف نمونه موجنبجه تنظیمی ومذکور نمونه کی « منقوله می » ایله « مقبوضی » کله لری اراسنه مثلاً

بیع و ایجار و هبه کبی نوع و کالته کوره مقتضی عباراتک قیود و شروط شرعییه و اصول
صکه توفیقاً درجی خصوصک تعمیماً قضاتہ اشعاری مجلس تدقیقات شرعیہ دن افاده
اولہ رق ایجابی اجرا ایدلمش اولغلہ طرف فاضلانہ لرندن دخی اکا کوره اقتضاسک ایفا
ونسخ ملفوفہ نک ملحقات قضاتہ اسراسہ ہمت اولنسی سیاقدمہ شقہ محبی ترقیم قلندی.
۱۷ ربیع الاخر ۱۲۲۳ و ۱۹ شباط ۱۲۳۰

*
**

« ملفوف وکالت حجتی نمونہ سی »

مدینہ محلاتندن محلا سنده ساکن اصناقدن ذاتی ذیل وثیقہ دہ

محرر الاسامی مسلمین تعریف لریلہ معرفہ . بن . بن . مدینہ مذکورہ محکمہ سندہ مجلس
شرع منبر دہ تقریر کلام و تعیر عن المرام ایدوب ایتالیا ممالکی و ایتالیا مستملکاتی و آنک تحت
اشغالندہ کی اراضیدہ کائن و بکا عائد اولوب محللرندہ معلومۃ الحدود و المشتلات مالک
و متصرف بولندیغم املاک و عقارات و ہر نوع اموال غیر منقولہ می
و مقبوضی بکا ارسال و ایصالہ و مأموری حضورندہ مقتضی معاملہ بی اجرایہ و خصوص
مذکورک متوقف اولدیغی امورک کلیسی ایفایہ مأذون اولق اوزرہ طرفدن مدینہ بنغازیدہ
ساکن . بن . نی وکالت مطلقہ صحیحہ شرعیہ ایلہ قبولہ موقوفہ وکیل و نائب مناب نصب
و تعیین ایلدم دیدکدہ ماہوالوقائع بالطلب کتب و املا اولندی حرر فی الیوم

*
**

« تولیت مدعیانندہ نظرہ آلتسی مقتضی خصوصاتہ دائرہ »

حمادہ کائن سوق الشجرہ و قفی تولیتک توجیہی محلی قاضیلکنجہ باتقریر اعلام اولندیغندن
و تولیت مجوئہ نک ایسہ بیک اوچ یوز بکرمی یدی سنہ سندہ قیدی بالترقین خزینہ جہ
تحت ضبط و ادارہ یہ النمش اولدیغندن بحثلہ استیذان معاملہ یہ دائرہ محلی اوقاف مدیریغندن
کوندریلان تحریرات و مربوطی مذکور تقریر شورای اوقافہ لدی الحوالہ تحت ضبط
و ادارہ یہ النان اوقافک فک مضبوطیتی شرائط شرعیہ و نظامیہ نک تحقیقہ متوقف اولغلہ
الیوم اوقاف مضبوطہ جملہ سندن بولنان اشبووقفہ متولی و ناظر تعیینی ایجاب ایتدیرمہ جک
وجہ شرعی و نظامی بولنما سنہ مبنی مرسل تقریرک حکمی اولہ میہ جنی درکار بولندیغی
کبی اساساً جہاتک صورت توجیہی توجیہ جہات نظامنامہ جدیدیلہ بالاطراف تعیین و بو

بایده کی صلاحیت حکامک ریاستی التده اوقاف مأمورینک ده حضوریه تشکل ایدم جک هیأت مخصوصه یه تودیع قلنمش و حکامک منفرداً توجیه جهات صلاحیتاری با اراده سنیه حضرت خلافتناهی موضوع موقع تطبیق اولان نظام مخصوص ایله تقید و تحدید ایدلمش و حالبوکه نظامنامه نك تاریخ نشری ۱۲ رمضان ۱۳۳۱ اولدینی حالده موضوع بحث تقریر ربیع الاخر ۱۳۳۲ تاریخله مورخ اولدینی و بو یولده مؤخر تاریخله جریان ایتیش بر چوق معاملاتده تصادف ایدلمکده بولندینی و بو حالک دوامی ایسه مجرای سالمده تأمین جریانی مطلوب اولان توجیه جهات معاملاتتی خللدار ایدم جکی جهته اشبو معاملاتک منعی لزومی طبیعت مصلحت نامنه ضروری بولنش اولمسنه بناءً بعدما توجیه خصوصاتنده نظامنامه احکامنه توفیق معامله یه صورت مخصوصه ده اعتنا اولنمی ضمتده حکام شرعه تعمیماً تبلیغات اجرایی افاده اولدینی بیانیله اجرای ایجابنه دأر اوقاف هایون نظارت جلیله سندن وارد اولان تذکره اوزرینه کیفیت قضاء کرامه اشعار ایدلمش اولغله طرف فاضلانهلرندن دخی اکا کوره معامله ایفا ونسخ ملفوفه نك ملحقات قضاتنه اسراسنه همت اولنمی سیاقده شقه محبی ترقیم قلندی .

۱۷ ربیع الاخر ۱۳۳۳ و ۱۹ شباط ۱۳۳۰

*
* *

« سنجاغه قارشى اجرا ایدیله جک رسم سلامه دأر »

هر هانکی بر قطعه عسکریه نك سنجاغنی حامللاً بر محلدن اثنای مرورنده مذکور سنجاغه قارشى اجرا ایدیله جک رسم سلامک صورت ایفاسنه دأر حریبه نظارت جلیله سنجه تنظیم و باتذکره سامیه ارسال قلنان تعلیماتنامه صورتی تعمیماً قضاء کرامه تبلیغ ایدلمش اولغله طرف فاضلانهلرندن دخی ایفای مقتضای ونسخ ملفوفه نك ملحقات قضاتنه اسراسی سیاقده شقه محبی ترقیم قلندی .

۲۱ ربیع الاخر ۱۳۳۳ و ۲۳ شباط ۱۳۳۰

*
* *

« قطعه عسکریه سنجاغنه قارشى اجرا ایدیله جک رسم سلام حقنده تعلیمات مورتیدر »

۱ — حال حرکتده بولنان سنجاغه « یعنی یورو مکده اولان بر قطعه نك سنجاغه » کړک طورر و کړک یوررکن رسم سلام وتعظیم واحترام :
ایاقده طوروب سنجاغه قارشى جبهه آلهرق اجرا اولتور .

شویله که : طوررکن جبهه سنجاغك كچه جكي طرفه دونديريلور . سنجاق اون آديم قدر ياقلاشنجه منتظم بر وضعت آلور ، يعني اللر اشاغی يه يانلره صالويريلور . وجود دوزكون طوتيلور وقلدا تلماز . سنجاق التی آديم ياقلاشنجه باش سنجاغه چورلمكله برابر صاغ ال ايله تمنا ايديلور فقط بو ال اشاغی اينديريلوب صاغ قاش اوزرنده قالور . باش ايله كوزلر سنجاغه باقق اوزره سنجاغی اوچ آديم كچنجه يه قدر تعقيب ايدر وال دخی بروجه مشروح باشده سلام وضعتده قالور . بعده باش ایلری دونديريلور و صاغ ال اشاغی اينديريلهرك تعظيمه ختام ويريلور . بوجهله صاغ ال ايله تمنایي اجرا ايدرکن اكيلمك جائز اوليوب طوس طوغری طورملی و وصول الی صول طرفده طوردينی يردن قلداتمه ملیدر .

يوررکن سنجاغه اون آديم قدر ياقلاشنجه اولو طورمق بعده برنجی ماده ده بيان ايدلديکی وجهله رسم سلام ايضا ايتمك لازمدر .

۲ — حال توقفده بولنان سنجاغه « يعني طورمقده اولان بر قطعه نك سنجاغه » يوررکن رسم تعظيم : سنجاغه آلتی آديم قالنجه باش سنجاغه دونديريلور و تمنا ايديلهرك سنجاق حذاسی كچنجه يه قدر صاغ ال سلام وضعتده يعني صاغ قاشك اوستده اولمق اوزره سنجاغه باقيلور . بعده باش ایلری دونديريلوب عين زمانده صاغ ال ده اشاغی اينديريلور و رسم سلام ختام بولور .

۳ — غلافی كچيرلمش سنجاغه رسم تعظيم اجرا ايدلمز .

۴ — آرابه و اوتوموبيله كيدرکن حال حرکته ويا حال توقفده بولنان بر قطعه نك سنجاغه تصادف ايديلور سه در حال ارقيه يا صلامه دن فراغت ايديلوب اوطورلدينی يرده منتظم بر وضعت آلور و باش سنجاغك بولندينی طرفه چوريلوب برنجی ماده ده بيان اولندينی وجه ايله رسم سلام ايضا ايديلور .

شايد آرابه، اوتوموبيل سرعتله حرکت ايتمكده لر ايه حرکترلرینی اغيرلشدير، ملیدرلر . ۵ — حيوانده كيدرکن حال حرکته ويا توقفده بولنان بر قطعه نك سنجاغه تصادف ايديلور سه يوروش اغيرلشديريلور و سنجاغك بولندينی طرفه باقيرق برنجی ماده موجبجه رسم تعظيم ايضا ايديلور .

۶ — تراموای و اوتوبوس آرابه لری حرکت ايدرلرکن طوران ويا يوروين بر قطعه نك سنجاغه تصادف ايلدكلرند و سائط ثقلیه مزبورده نك سرعتلری بولنلری سوق

ایدنلر طرفندن درحال تنقیص ایدیلور وایچریسند یولجیلر ممکن اولدیغی قدر یرلرندن قالقهرق تمنا ایتک صورتیه لازمه احترامیه یی ایفا ایدرلر . انجق اوتوموبیل و اوتوبوس و تراموای شوفورلریله و لوسید سوارلر بر قضا وقوعه میدان ویرمه مک ایچون سنجاغه تقریده یالکز باشلری سنجاغ طرفه چویرمک صورتیه رسم سلامی ایفا ایدرلر .

* *

« توجه ایدن ییندن طولای تواری ایدنلرک مجلس شرعه جبراً احضارینه دائر »

اصولاً یمین توجه ایدوبده تواری وتغیب ایدرک یمینده تمرد وتغند ایدنلر حقنده یمینلرینه تعلیقاً حکم توقیعی شرعاً جائز اولماسنه بناءً بوکیلرک ضابطه معرفتیه جبراً مجلس شرعه احضاری ذات مصلحته موافق اوله جفندن حکام الشرع قانوننک ایکنجی ماده سنه توفیقاً محاکم شرعیه طرفندن یازیله جق مذکرلرک بلافاثه وقت انفاذ واجرسی حقنده مأمورین ضابطه یه تبلیغات مقتضیه اجرایی خصوصنک داخله نظارت جلیله سنه کیفیتک تعمیماً قضاة کرامه اشعاری مخلفات عمومیه قساملغندن ویریلان مذکره اوزرینه مجلس تدقیقات شرعیه دن افاده اوله رق ایجابی اجرا ایدلمش اولغله طرف فاضلانلرندن دخی اکا کوره ایفای مقتضایی ونسخ ملفوفه نک ملحققات قضاتنه اسرایی سیاقده شقه حبی ترقیم قلندی .

۱۵ جمادی الاولی ۱۳۳۳ و ۱۸ مارت ۱۳۳۱

* *

« احوال معینه ده حصر وراثته دائر تنظیمی مقتضی وثائقک مهمل نمونه یه لزوم توفیقی حقنده »

مأمورین ومتقاعدیندن وفات ایدنلرک حال حیاتلرنده تراکم ایدن معاشلریخی اخذ ایچون اثبات وراثت ایتک اورزه مراجعت ایلکده اولان ورثه لری اصول محاکمه شرعیه یه متعلق احکام نظامیه موجنبجه خصم حقیقی تعیین وارانده ایدمه ماملرندن ودوائر متعلقه سنجه ده وکیل شرعی کوندریله مدیکندن طولایی مصالح تراکم ایتکده بولندیغندن بومثللولرک انحصار وراثتی ترکاتک تحریرنده اولدیغی کبی محله لرندن علم وخبر ابرازیله وبالاخبار تحقیقنده وقوع بوله جق اشعار اوزرینه استحقاقلرینک دائره متعلقه سنجه کندولرینه اعطاسی تأمین مصلحته کافی اوله جق بیانیله مقتضاسنک ایفاسنه دائر مخلفات عمومیه قساملغندن ویریلان مذکره اوزرینه شهود استماع شهوده محل اولیوب کیفیت ترکه نک صورت تقسیمی وعدد ورثه یی مین بر مذکره طلبنه مقصور قالدیغه کوره قسام عمومیلکک

مذکره سنده بیان ایدلیدی وجهه معاملات ابتدایه اجرا اولندقدن صکره موثوق الکلم ذواتک دخی اخبارلری استماع اولنه رق مذکره شکنده بروثیقه شرعیه نک اعطاسی تقدیرنده مقصد حاصل اولغله برابر بونوع وثائقک اخرک حقوقه ایراث ضرر ایده میه جکنه مبنی اعلام شکنده اولیه رق وجهت استعمالی تصریح ایدیلهرک بر مذکره نک اعطاسنده بأس اولیه جفی قنواخانه دن بیان اولنمش وبواسولک استحصال معاشات ضمانتده مراجعت ایده جک ورثه ایله خصوصات سائرده ایچون مراجعت ایدوبده خصم حقیقی تعیین وارائه سندن عجزی تحقق ایدن ورثه حقلرنده ده تطبیق واجراسی مقتضی اولوب دوائر رسمیه دن ورود ایده جک مذکره لر اوزرینه تحقق وراثتک مسئله میراثیه وجهه صورت تقسیمک کالاول درکنار صورتنده تحریرینه دوام اولنه رق ماعداسنده وثیقه نک مربوط نمونه وجهه مقتضی حجتی شکنده تنظیم واعطا ایدلسی واشبو وثیقه خلافی ثابت اولنجهیه قدر بالعموم دوائر رسمیه ده معتبر طوتیلوب مضمونیه عمل ایدیله جکی جهتله حجج شرعیه دن معدود وبناء علیه ورقه رسمیه به تحریری لایذ بولنغله بعدما خصوصات مشروحه ده بوجه محرر معامله اولنمش خصوصتک تعمیماً قضاة کرامه اشعاری مجلس تدقیقات شرعیه دن افاده قلنمش وایجابی اجرا ایدلش اولغله طرف فاضلانلرندن دخی اکاکوره اقتضاسنک ایفا ونسخ ملفوفه نک ملحقات قضاتنه امراسنه همت اولنمش سیاقنده شقه محبی ترقیم قلندی.

۱۸ جمادی الاولی ۱۳۳۳ و ۲۱ مارت ۱۳۳۱

*
*
« ملفوف نمونه صورتی »

مدینه اسکدار محلاتندن جامع جدید محله سنده ساکن ایکن بیک اوچیوز اوتوز اوچ سنه سی محرم الحرامنک یکرمنجی کونی وفات ایدن متقاعدین عسکریه دن بیکباشی خلیل اقدی ابن احمد بن حسینک وراثتی زوجه منکوحه متروکسی عائشه خانم ابنة حسنی ایله زوجه مومی الیهادن متولد لر صلی کیر اوغللری هربری محله مذکورده ساکن کتبه دن اسماعیل و ابراهیم اقدیلره منحصره اولدیغنی ذاتی درون وثیقه ده محرر الاسامی علی وولی اقدیلر تعریفلریله معرفه زوجه مومی الیها مدینه مزبوره محله سنده مجلس شرعه ده تقریر و محله مذکورده امامی ولی اقدی ابن بکر ومختار اولی رضا اقدی ابن بشیر ومختار ثانسی صالح اقدی ابن فخرالدینک مهر ذاتی ورسمیلریله مختوم ابراز ایدلیدی ۱۵ مارت ۱۳۳۱ تاریخلی برقطعه علم وخبر مندرجاتی تقریر مذکور تأیید